



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /17
Datum: 2017. godine

PRIJEDLOG

Na osnovu člana 14. Statuta Općine Tešanj („Službeni glasnik Općine Tešanj“ broj: 11/07), člana 20. stav 6. Odluke o izvršavanju budžeta Općine Tešanj za 2017. godinu („Službeni glasnik Općine Tešanj“ broj: 10/16), Općinsko vijeće Tešanj na svojoj 6. sjednici održanoj dana ____ 2017.godine, d o n o s i

**ODLUKU
o usvajanju Programa novčanih podsticaja
za unapređenje primarne poljoprivredne proizvodnje
na području općine Tešanj u 2017. godini**

Član 1.

Ovom Odlukom usvaja se Program novčanih podsticaja za unapređenje primarne poljoprivredne proizvodnje na području općine Tešanj u 2017. godini.

Član 2.

Program iz člana 1. ove Odluke sastavni je dio ove Odluke.

Član 3.

Za realizaciju Programa iz člana 1. ove Odluke, zadužuje se Općinski načelnik i nadležna općinska Služba, u skladu sa odredbama Odluke o izvršavanju budžeta Općine Tešanj za 2017. godinu.

Član 4.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Senad Subašić dipl.oec.

Obrazloženje:

PRAVNI OSNOV:

Pravni osnov za donošenje ove Odluke sadržan je u članu 20. stav 6. Odluke o izvršavanju budžeta Općine Tešanj za 2017.godinu („Službeni glasnik Općine Tešanj“ broj: 10/16) kojom je definisan način utroška planiranih sredstava i Budžetu Općine Tešanj za 2017. godinu („Službeni glasnik Općine Tešanj“ broj: 10/16) u kome je definisana visina sredstava za ove namjene.

RAZLOZI ZA DONOŠENJE ODLUKE:

U budžetu Općine Tešanj su planirana sredstva na poziciji „Grantovi za razvoj poljoprivrede“ u ukupnoj visini od 330.000,00 KM. Član 20.stav 6. Odluke o izvršavanju budžeta Općine Tešanj za 2017. godinu („Službeni glasnik Općine Tešanj“ broj: 10/16) definiše da se sredstva na poziciji „Grantovi za razvoj poljoprivrede“ raspoređuju finansiranjem Programa novčanih poticaja za unapređenje primarne poljoprivredne proizvodnje koji svojom odlukom usvaja Općinsko vijeće.

Nadležna općinska Služba je na bazi rezultata učinka općinskih poticaja na razvoj poljoprivrede, broja korisnika općinskih novčanih poticaja, dosadašnjih iskustava kroz realizaciju Programa novčanih poticaja kao i sugestija iznijetih na Javnoj raspravi održanoj dana 14.03.2017. godine u sali općinskog vijeća Tešanj izvršila pripremu Programa koji se dostavlja u formi prijedloga i stoga se predlaže donošenje ove Odluke kako bi se blagovremeno pristupilo realizaciji planiranih aktivnosti u 2017.godini.

U prijedlogu Programa zadržani su vidovi poticaja iz prethodne godine, izuzev poticaja za tov junadi, obzirom da se zadnjih godina proizvođači opredjeljuju i za federalni poticaj za tov junadi koji propisuje minimum tri grla u tovu a poticaj je 450 KM po grlu. Jedan manji broj proizvođača ne aplicira za federalni poticaj iz razloga da im je lakše i brža isplata za općinski poticaj, ali smatramo da ih treba usmjeravati da apliciraju na federalni nivo i iskoriste tu mogućnost. Izmjenama u iznosu poticaja povrće za otkup i minimum predatog jagodičastog voća u otkup, nastoje se stimulisati proizvođači da se što više posvete proizvodnji i ostvare što bolje prinose, da budu konkurentniji na tržištu.

Program se dostavlja u formi prijedloga i stoga se predlaže donošenje ove Odluke kako bi se blagovremeno pristupilo realizaciji planiranih aktivnosti u 2017.godini.

OBRADIVAČ:

Služba za finansije, privredu, komunalne i inspeksijske poslove

Hamzadžija Hojkurić dipl.ecc

PREDLAGAČ:

OPĆINSKI NAČELNIK

Mr. sci. Suad Huskić

Broj: 02-02-1-526/17

Datum: 15.03.2017.godine

TABELARNI PREGLED OSTVARENIH POTICAJA POLJOPRIVREDI U 2016.god.
OPĆINSKI POTICAJ

	NAZIV POTICAJA	ODOBRENA SREDSTVA (KM)
1.	Proizvodnja u plastenicima za porodična gazdinstva	39.827,60
2.	Proizvodnja povrća i ljekobilja na otvorenom	17.835,00
3.	Proizvodnja povrća za otkup	47.110,82
4.	Proizvodnja voća za otkup	14.071,68
5.	Proizvodnja kravljeg mlijeka	169.662,50
6.	Tov junadi	18.450,00
7.	Pčelarstvo	19.147,00
	UKUPNO	326.104,60

KANTONALNI POTICAJ

1.	Premija za uzgoj brojlera-registrovane farme	51.536,00
2.	Podrška za koke nosilice	15.950,00
3.	Podrška za farme muznih grla	69.600,00
4.	Podrška za sufinansiranje provedbe dijag. ispitivanja	27.280,00
5.	Podrška za proizvodnju povrća i cvijeća u plastenicima	28.198,30
6.	Podrška za proizvodnju maline, kupine	7.085,00
7.	Podrška za proizvodnju krastavca-kornišona	22.028,00
8.	Premija za proizvodnju plantažne borovnice i aronije	1.642,00
9.	Premija za nove zasade jagodičastog voća	3.625,00
10.	Premija prerađivačima pilećeg mesa	30.000,00
11.	Premija za otkup mlijeka otkupljivačima mlijeka	64.115,00
12.	Premija otkupljivačima jagodičastog voća	3.797,00
13.	Podrška za nabavku plastenika	10.000,00
14.	Podrška projektima iz oblasti pčelarstva	3.000,00
15.	Projekti iz poljoprivrede	47.000,00
16.	Podrška u govedarskoj proizvodnji	1.800,00
17.	Podrška udruženjima poljoprivrednika	2.500,00
18.	Pomoć poljoprivrednicima	2.000,00
	UKUPNO	391.156,30

FEDERALNI POTICAJ

1.	Proizvodnja krušnih žitarica	550,00
2.	Proizvodnja silažnog kukuruza	22.433,20
3.	Proizvodnja heljde	400,00
4.	Proizvodnja povrća	2.400,00
5.	Kravlje mlijeko	1.358.203,26
6.	Tov junadi	123.509,72
7.	Uzgoj rasplodnih junica	82.963,24
8.	Uzgoj rasplodne stoke-ovce	54.365,00
9.	Uzgoj rasplodne stoke -koze	5.100,00
9.	Nerealizovani zahtjevi-dug iz 2014.	271.358,10
10.	Nerealizovani zahtjevi iz 2015.	129.739,80
	UKUPNO	2.051.022,32
	UKUPNO 1+2+3	2.768.283,22

NAPOMENA: Prema dobivenim informacijama, Kantonalni Program poticaja će biti uglavnom isti kao u prethodnoj godini, Program utroška sredstava će biti razmatran na 91. sjednici Vlade, a u toku je izrada i federalnog Pravilnika poticaja proizvodnji. U svakom slučaju, kancelarija za poljoprivredu će kao i do sada, blagovremeno upoznati proizvođače i pomoći u apliciranju za ostvarivanje prava na novčanu podršku.